

ու նեղ մասնագիտական, այդ պատճառով դժուարութեամբ է կարգացում, չը նայած անգամ բրօշիւրի փոքր ծաւալին (37 երես): Մեզ թւում է, որ գիտական լրջութիւնը կարելի է միայնակ ոճի պարզութեան և դիւրամատչելիութեան հետ. միայն այդ պայմաններում գիտութիւնը դարարում է մի քանի քուրմերի սեփականութիւն լինելուց:

Լ. Ս.

21) Отчетъ комиссiи присяжныхъ повѣренныхъ при Тифлисскомъ Окружномъ судѣ (съ 19 марта 1900 г. по 19-е марта 1901 г.)

Անցեալ տարի մարտ ամսին, Թիֆլիսի փաստաբանների ձեռնբեցութեամբ և տեղիս նահանգական դատարանի հաւանութեամբ հիմնուեց Թիֆլիսում մի համակրելի հաստատութիւն՝ երգուեալ հաւատարմատարների մասնաժողով, իբրև դատարանին օժանդակիչ մնայուն օրգան:

Մասնաժողովի գործունէութեան շրջանը բացառապէս կազմում են երգուեալ փաստաբաններին և նրանց օգնականներին վերաբերեալ գործերը, որոնք առաջ քննուում էին միայն դատարանի ընդհանուր ժողովում, ինչպէս և ուրիշ տեղերում, ուր չը կայ երգուեալ հաւատարմատարների խորհուրդ: Հասկանալի է, որ դատարանը, իբրև պետական հաստատութիւն, ծանրաբեռնուած միայն իրան յատուկ պաշտօնական գործերով, ոչ բաւականաչափ ժամանակ և ոչ էլ միջոց ունի փաստաբանների գործունէութեան բարդ և փափուկ խնդրին հետեւելու: Այժմ այդ կարևոր և պատասխանատու գործը յանձնուած է նորերս կեանքի կանչուած հաստատութեան, իսկ դատարանին վերապահուած է բարձրագոյն ինստանցիայի դերը, ուր անցնում են մասնաժողովի որոշումները:

Պարզ է, որ զբանից փաստաբանական էտիկայի փափուկ խնդրին աւելի կը կանոնաւորուի և ցանկալի ուղղութիւն կը ստանայ, ինչպէս այդ տեսնում ենք այն դատաստանական շրջաններում, ուր շատ տարիներ գործում են երգուեալ հաւատարմատարների խորհուրդները:

Անցեալ մարտ ամսին լրացաւ Թիֆլիսի վերոյիշեալ մասնաժողովի գործունէութեան առաջի տարեշրջանը. այդ առիթով հրատարակուած տարեկան տեղեկագրից երևում է, որ անցեալ տարի Թիֆլիսի նահանգական դատարանի շրջանում հաշոււմ էր 59 երգուեալ հաւատարմատար և դրանց 25 օգ-

նականներ. տարուայ ընթացքում ընդունուած են 11 երգ. հաւատ. և 16 օգնականներ: Մասնաժողովը բացի վարչական մասից գլխաւորապէս զբաղուել է փաստաբանների այլ և այլ պարտագանացութիւններից ծագած գործերով և իր վճիռներում տուել է փաստաբանական էտիկային վայել պատշաճաւոր հրահանգներ. յայտնի դէպքերում մասնաժողովը յանցաւոր ճանաչուած փաստաբաններին դատապարտել է, ենթարկելով նրանց նկատողութեան կամ աւելի ծանր դէպքում զրկելով փաստաբանական պրակտիկայից որոշ ժամանակով: Ընդհանրապէս այդպիսի գործերի թիւը տարուայ ընթացքում եղել է 35:

Անժխտելի է այդ հիմնարկութեան բարոյական ազդեցութիւնը փաստաբանական բարքերի բարւոյքման վրայ. մասնաժողովի որոշումների հրահանգիչ ոգին, նրա իրական հսկողութիւնը փաստաբանների գործունէութեան վրայ այն հետեանքը կ'ունենայ, որ երդուեալ հաւատարմատարը, իբրև հասարակական պաշտօնեայ, աւելի գիտակցօրէն կը վերաբերուի իր գործին, և չի թոյլ տայ որևէ գործողութիւն իր բարձր կոչման հակառակ, քաջ գիտնալով, որ նրա վրայ հսկող աչք կայ և թէ ինքը իւրաքանչիւր անպատեհ արարքի համար պէտք է պատասխան տայ ընկերական դատի առաջ: Յանկանք կատարեալ և յարատև աջողութիւն այդ համակրելի հաստատութեան:

ՅՈՎ. ՍՊ.

22) 1. ՄՍԵՐԵՆՅՅ. «Этуды по армянской диалектологии. Часть II, выпускъ I. Сравнительная морфология Мусского диалекта въ связи съ морфологіей гրабара и среднеармянскаго.» (Ուսումնասիրութիւններ հայ բարբառաբանութեան մասին Մասն Բ. պրակ 1. Համեմատական ձևաբանութիւն Մշի բարբառի՝ գրաբարի և միջին հայերէնի ձևաբանութեան հետ կից): Մոսկվա, 1901, մեծադիր 8⁰, եր XXI+186.

Այս աշխատութեան առաջին մասը հեղինակը տպւել է 1897-ին, իբրև մագիստրոսական շարագրութիւն («Մշի բարբառի համեմատական ձայնաբանութիւնը՝ գրաբարի ձայնաբանութեան հետ կից»): Այս առաջին մասի առաջաբանից տեսնում ենք, որ իր գրուածքի նիւթը հեղինակը անձամբ հաւաքել է 1894 և 1895 թուերին Անդրկովկասում ճանապարհորդելով, Բաթումում, Թիֆլիսում և Էջմիածնում գտած մշեցիներից, որովհետև չէ կարողացել, ինչպէս ցանկալի էր, ուղեորութիւն կատարել Տաճկահայաստան և բուն տեղում, Մուշ քաղաքում և շրջակայ դաշտում, ուսումնասիրել այդ բարբառը: Մշի բարբառ-